



ASUNTO: DECRETO TAXAS E PREZOS PUBLICOS

DECRETO DA ALCALDÍA

PRIMEIRO.- O art. 20 do Real Decreto Legislativo 2/2004, de 5 de marzo, polo que aproba o Texto refundido da Lei Reguladora das Facendas Locais, regula o feito impositivo das taxas municipais, do xeito seguinte:

“1. As entidades locais, nos termos previstos nesta Lei, poderán establecer taxas pola utilización privativa ou o aproveitamento especial do dominio público local, así como pola prestación de servizos públicos ou a realización de actividades administrativas de competencia local que se refiran, afecten o beneficien de modo particular aos suxeitos pasivos.”

En todo caso, terán a consideración de taxas as prestacións patrimoniais que establezan as entidades locais por:

A) A utilización privativa ou o aproveitamento especial do dominio público local.

B) A prestación dun servizo público ou a realización dunha actividade administrativa en réxime de dereito público de competencia local que se refira, afecte ou beneficie de modo particular ao suxeito pasivo, cando se produza calquera das circunstancias seguintes:

a) Que no sexan de solicitude ou recepción voluntaria para os administrados. A estes efectos non se considerará voluntaria a solicitude ou a recepción por parte dos administrados:

Cando veña imposta por disposicións legais ou reglamentarias.

Cando os bens, servizos ou actividades requeridos sexan imprescindibles para a vida privada ou social do solicitante.

b) Que non se presten ou realicen polo sector privado, este ou non establecida a súa reserva a favor do sector público conforme á normativa vixente.

2. Entenderase que a actividade administrativa ou servizo afecta ou se refire ao suxeito pasivo cando sexa motivado directa o indirectamente por este en razón de que as súas actuacións ou omisións obliguen ás entidades locais a realizar de oficio actividades o a prestar servizos por razóns de seguridade, salubridade, de abastecemento da poboación ou de orde urbanístico, ou calquera outras.

SEGUNDO.- O artigo 41 do citado Real Decreto Legislativo 2/2004, de 5 de marzo, polo que se aproba o texto refundido da Lei Reguladora das Facendas Locais, establece que



La autenticidad de este documento se puede comprobar con el código 07E40004E96700P0W4O0E3Z6I5 en la Sede Electrónica de la Entidad

FIRMAS Y FECHAS
JOSE TOME ROCA-Alcalde-Presidente - 25/03/2020
JOSE ANTONIO MOURELLE GILLERO-Secretario - 25/03/2020
serialNumber=S2833002E,CN=Sello de tiempo TS@ - @firma,OU=Secretaría General de Administración Digital,O=Secretaría de Estado de Función Pública,C=ES - 25/03/2020 15:06:45

DECRETO: 2020000481
Fecha: 25/03/2020
Hora: 15:06
Persona 76561868C





“as entidades locais poderán establecer prezos públicos pola prestación de servizos ou a realización de actividades da competencia da entidade local, sempre que non concurra ningunha das circunstancias especificadas no artigo 20.1.B) desta lei, continuando o art. 43 da citada norma que “estarán obrigados ao pago dos prezos públicos quen se beneficie dos servizos ou actividades polos que deban satisfacerse aqueles”.

TERCEIRO.- O Anexo do Real Decreto 463/2020.polo que se declara o estado de alarma para a xestión da situación de crise sanitaria ocasionada polo COVID-19, establece a relación de equipamentos e actividades cuxa apertura ao público queda suspendida con arreglo ao disposto no art. 10.3 da citada disposición.

Polo tanto estando sometidas ditas actividades ao peche obrigatorio, por causas alleas á vontade dos suxeitos pasivos, dada a situación de emerxencia sanitaria, semella convinte concluir que non se está a realizar o feito impositivo que da lugar ao cobro de taxas ou prezos públicos por parte do Concello de Monforte. Por elo considerase procedente proceder á devolución ou non liquidación de ditos ingresos, en tanto en canto dure a situación presente.

Polo exposto e, en virtude das atribucións que me confire o art. 21 la Lei 7/1985, de 2 de abril, Reguladora das Bases do Réxime Local e con base na Resolución da Alcaldía de 23 de marzo de 2020 que revoca a de data 17 de xuño de 2019, pola que o Sr. Alcalde-Presidente do Concello de Monforte delegou atribucións na Xunta de Goberno Local:

DISPOÑO:

PRIMEIRO.- Proceder á devolución ou non liquidación das taxas e prezos públicos que, a continuación se relacionan, durante o período comprendido entre o día 16 de marzo de 2020 e o día que finalice a prazo de suspensión de ditas actividades:

- 1.- Taxa pola recollida, tratamento e eliminación de lixo
- 2.- Taxa por ocupación de terreos de uso público con mesas, cadeiras e elementos auxiliares con finalidade lucrativa.
- 3.- Taxa por utilización da piscina municipal e demais instalacións anexas.
- 4.- Prezo público polos servizos prestados pola Gardería Municipal.
- 5.- Prezo público polo Servizo de ensinanza prestados no Conservatorio “Mestre Ibáñez” e Escolas de Música.



FIRMAS Y FECHAS





6.- Taxa de prestación do Servizo de Escolas Deportivas Municipais.

SEGUNDO.- Unha vez finalizada a suspensión obrigatoria das actividades relacionadas no Anexo do Real Decreto 463/2020 polo que se declara o estado de alarma para a xestión da situación de crise sanitaria ocasionada polo COVID-19, os suxeitos pasivos afectados deberán presentar a súa solicitude no Rexistro do Concello, no modelo que se lles facilite ao efecto, acreditando que a súa actividade atópase dentro das incluídas no citado Anexo, acreditación que se fará mediante a presentación da declaración censal ou certificado da AEAT do IAE, da anualidade do 2020.

TERCEIRO.- Proceder á publicación deste Decreto no Taboleiro de Anuncios do Concello de Monforte de Lemos, na Páxina Web e no B.O.P.

Monforte de Lemos a data da sinatura dixital

O ALCALDE,

Asdo.- José Tomé Roca

MONFORTE DE LEMOS, data da sinatura do Sr. Alcalde
Ordena e asina o Sr. Alcalde
Certifica e asina o Sr. Secretario

